

景甯縣志

LIBRARY OF THE

景甯縣志

卷之首

同治十一年壬
申歲十月開雕

序
忠書之作何自昉乎周
禮外史掌四方之志蓋
本於晉之乘楚之檮杌
晉之春秋所以示勸懲
參攷由來舊矣後世省有

志何興縣志有志宋風尚
俗於是焉賴霞州景甯一
縣居萬山之中蓋本膏
田分治山地硯瘠人情質
樸耕讀之外尠有恒業
咸豐中遭粵寇之亂十

室九室志京六燬於兵火
同治丁卯余奉

命和巡溫霞未幾潘君紹詮

來守霞州因覘各屬志
書闕而弗全謀於潘君
檄各縣修輯戊辰之冬

靈川周君述以名進士宰
是邑下車伊始披閱志
書類以殘缺失次為惜居
久之政通人和百廢具興
遂謀諸紳富慨然以纂
修為已任越一年而書成

問序於予，惟修志之難，
於修史景甯之有志始於
有明嘉靖修於萬曆正我
朝康熙雍正乾隆志凡三修
迄今將及百年，代既素
中遭刻火蒐羅故蹟採

訪遺徽又難之難者今
周君與紳董力任其難
不挂不漏雙結成章景小
邑也而能若是善以知周
君讀書而雖迂儒涖官必
為循吏昔人所謂悃篤

華日計不足月計有餘
者其在斯人歟其在斯
人歟
大清同治十二年歲次癸
酉十一月既望
欽加三品銜分巡溫處兵備

道前
記名御史軍機處行吏
方略館提調儀徵方鼎鈺撰
並書



序

邑之有志所以考風俗之厚薄
人才之盛衰與夫山川之險夷
輿圖之廣袤土宜之生植官師
之教養表揚筆削俾覽者一目
了然所係固綦重哉景甯為處
屬邑界接甌閩萬山環峙地多
磽瘠斯戶鈔蓋藏生斯土者率

皆力穡務農風氣樸質第得良
有司能以實以行實政則民易
信而化易行余於庚午冬奉
命典守括州下車之始檢查各邑
志乘均因兵燹之後闕而不全
繼此失修其何以徵文獻而備
掌故乎爰屬諸明府就地勸捐
亟為纂輯稽舊志修於乾隆戊

成迄今幾及百年原板已付劫
灰今知邑事周君杰以名進士
出宰巖邑素著循聲與其邑之
人士慨然有修復之志歷時兩
載哀輯成書視原本加詳自非
良有司以實心行善政何能興
墜舉廢如是其易且速哉余故
喜其成而為之序至是書綜覈

之詳記述之當取裁精而抉擇
嚴周君固深於文者也余不復
贅云

同治癸酉菊秋下浣之吉
欽加三品銜知處州府事

姑蘇潘紹詒譔



序

昔江淹謂修史莫難於志蓋以
志乘之作廣蒐羅備掌故遠紹
旁搜冀足信今傳後作者難修
亦不易春秋時孔子柱下從遊
欲言二代之禮嘗致慨於文獻

無徵矧景邑萬山僻處士人家
尠藏書加以兩經兵燹典籍淪
亡老成代謝則其修為較難按
邑自前明景泰析治以來至嘉
靖時始創為志 我

朝乾隆戊戌凡經五修迄今閱甲

子九十有奇鐫板半歸散佚若
復遷延不修將年代愈遠見聞
愈訛勢必久而失真無可徵信
斯固邑人士之缺恨亦守土者
所深憂也戊辰冬余捧檄蒞任
斯土甫下車披閱舊志慨然有

志纂修旋慮地方瘠苦經費難
籌以故不果迨庚午調簾闈後
檄飭回任次年夏間縣試畢適
邑之紳士謁見談及志書咸踴
躍奮興并以急待編輯為請余
亦不辭督修之責而分任其事

於各紳當議設局興經始於
壬申年三月告竣於本年七月
固不敢謂是書之成已臻完善
可媲美前人但竭一載之力賴
學博楊公中臺相與悉心參酌
復得各紳董不辭勞瘁虛衷博


訪參互考訂以迄於成則所謂
修志之難同於修史者至是而
下邑故實燦然畢陳庶可無脫
畧乖戾之虞亦可免守缺抱殘
之誚矣爰誌數言備述巔末以
弁諸簡端

皆

同治十二年癸酉仲秋之吉

賜進士出身同知銜知景甯縣事

靈川周 杰 撰



景甯縣志

卷之首

新序

四

萬厯姜志原序

景甯縣志凡兩修始婺源程公繼閩中陳公其間沿革建置民風政治亦有稽矣顧溯陳迄今厯年已久諸所關於國賦官政者類迭爲損益不無戾於徃牒乃萬厯癸未姜侯師閔泣牧茲土興利除害民胥以生而覽讀舊志喟然曰紀昔遺今胡以示後是有事茲土者之責也因囑余新之顧余非遷固敢任史事然願供繕寫之役乃承侯嘉意集諸薦紳士并訪之鄉耆稽故實刪繁文如山川阨塞第核其舊蹟不載其遊觀無益之詞至公署官治學校之隨時新葺者則畧爲具其巔末

景甯縣志

卷之首

姜志原序

一

田賦徭役奉例丈量頒有賦役錄在焉則遵集以示掌故他若革鹽舖戶而使商自鬻除寺租老人而隨戶帶徵置桑園築長堤建書院創社倉皆興革大政咸稱可久者則特書年月備錄疏議與凡人文風化之攸係者必纖悉列於冊中雖不敢自謂詳畧咸當亦庶幾核而章要而該備而弗冗矣書成乃復於侯曰志昉於史者也尙書古王國志國風春秋古侯國志孔子悼杞宋文獻不足則侯國志廢班固作漢書於選舉兵政之大反遺焉則王國志畧今之郡縣猶古之侯國也今之志非古之史乎且志禮所紀也邑令典禮職也志備我侯職

亦備矣豈若班之遺杞宋之不足類哉 志也非

徒乘也非但備散逸已也 錄梓以傳士人 之將感發
興起遵禮教則風俗可醕勵志行則聲 可著立名節
則前人事業可企回視鶴溪印石若浚而深若 而高
風土名物亦爲之改觀矣此又姜侯嘉惠景甯無窮盛
心也讀是志者當無以兔園冊簿視之教諭閩中心

賴汝霖撰

康熙張志原序

夫志以稽事載典彰往昭來所繫綦重矣詎可以一
缺哉况周禮所傳小行人分採四方風俗長吏政

景甯縣志

卷之首

姜志原序

一一

失歲以上之太史則是邑之有志其亦以備國史之
遺乎乃景甯縣志自前任姜君師閔學博賴君汝霖纂
輯而後曠焉弗修者百有餘年吾固不知其中或難於
興廢之獨任抑任之必重有待乎其人與否第一且
天子遣使者輶軒四出搜羅掌故他郡縣皆以志進而景
邑獨無又豈非守臣之責耶余於康熙丙戌歲承乏茲
土下車之始見邑乘殘廢已久卽欲取而重事增訂於
是呈請巡憲高公郡伯劉公已皆蒙允顧又 於簿書
鹿鹿未遑搦管今年來幸值

皇恩浩蕩積逋正供概行蠲免山署遂多暇 爰慨然起

曰修志之舉其在斯時乎先是秉鐸郁君廣以華胄與才留心已非一日茲又得余友劉子提遠自和來可以商權益幸其事之有成於是擇期張局於署東書院諸生潘可藻總其草創葉永陽等分類編摩郁君與司訓方君國光加以討論而劉子則爲校訂潤色之縣尉李君國璽實左右而贊勸焉越五月而志成爲卷十爲類九於舊所志誠殊觀矣然或乃言曰景甯自青田分縣以來科目寥寥又遭逆藩兵燹之餘文史散佚子之修是志也曷徵乎余曰禹貢以辨封疆述土貢周官以明規制春秋左氏國語歷代史以考沿革紀盛衰美惡諸

景甯縣志

卷之首

張志原序

三

子藝文以辨方物陳土風史固未嘗亡也矧其舊志尙有所參攷者耶或又曰國無老成增修焉據余曰景邑雖小亦一名區也敕木石印之山官井玉泉之水盧敖之古洞浮邱之釣臺此不具論彼柔遠之鄉非誠意伯之故址乎招鶴之詞非竹軒公之清風乎他如洪嶺之橋永平之堤又非諸君子之治蹟與蒼蒼俱高泱泱俱長者乎語曰前事不忘後事之師斯不足以備志實耶故是志也稽往質訓紀事核其實纂言會其精據簡冊者多於耳目搜遐逝者詳於辨証是故以體國經野則矩協以考俗準治則政達以彰淑懲慝則鑑昭以正名

辨物則典究綱陳目舉燦然可觀庶幾備一邑之紀載而續百年之曠廢云爾乃若攬拾窮於目力是非謬於去取言之無文行之不遠余方負大懼焉所謂修之待其人云者余敢當哉雖然自茲以後更閱百年政事之沿革人物之遷代又不知其幾則其有待乎採訪而增輯當必有與余同志焉者故敢識一言於首以爲之序康熙伍十年歲次辛卯暮春上巳之吉

內庭供奉浙江處州府景甯縣知縣含山張琢良工氏題於印山書院

重修景甯縣志原序

景甯縣志

卷之首

張志原序

四

吾邑之有志也始於嘉靖六年約庵程侯達而是時任草創者余家東崖公也繼而修之則有筆山陳侯嚴之手自編纂懷吾姜侯師閔敦請廣文賴公共相修葺蓋皆一時盛舉云於今百有餘年雖其間鼎革兵燹陵谷變遷戶口賦役建置諸大政亦多今昔懸殊然而舊志尙存未始不可刪訂以一邑全書不識令君相繼初不乏賢何以因循苟簡莫有一動念於是者豈以作志等於作史珥筆之難其人耶抑鉅典之成否有待乎其時耶憶康熙甲申春司鐸郁先生魏塘華胄幼負著作之才曾佐其先人廷尉公纂修邑乘胸有成規見邑

舊志存古遺今慨然有重修之舉此亦可謂得其人矣而時值多故其事亦遂中寢噫修志固若斯之難與茲幸約齋張侯琢以

內廷供奉來撫吾邑諄諄首以修志爲己任蓋出其修國史之長以修邑志自綽綽乎有餘矣越五年政通人和案牘一清鳴琴卧治無所事事爰集議開局立意刊刻得其人矣又有其時斯亦何難以燕許大手筆自成千秋信史哉而乃不自賢先以草創之責總委諸藻且謂是志也祖孫同任後先繼美誼無可辭嗟嗟藻顧何人敢當斯任旣而思之維藻草創當必討論者有人修飾

景甯縣志

卷之首

張志原序

五

潤色者有人苟非磨鉛勵鈍不辜我侯嘉命與於以屏思慮集見聞矢我心之虛公絕人情之請托夙夜乾乾網羅綴輯缺者補之繁者刪之因革利弊則詳之興廢去留則述之洪纖具備正變兼搜爲卷十爲目八十有六此非過爲縷晰蓋欲提綱挾目炳若日星庶使覽者洞徹顯微而敷治施教祛弊釐奸可以坐收成效也始事於春王息筆於夏仲凡三易稿持以就正吾學厚庵郁先生慄齋方先生和郡偶亭劉先生考訂編摩修飾潤色無冗無漏無黨無偏乃進之賢侯細加評覈中出卓議精裁之處大非諸賢意想所能及者羣相歎曰鉅

典之成信有待於其人待於其時乎自茲以後凡覽斯志者因得識我侯之才與我侯之政當共是乘永永不朽矣獨未知任草創之責者東崖公之孫亦克繩祖武否耳邑人潘可藻序

雍正李志原序

邑有志猶國有史也禹貢職方之所紀周官外史之所掌下逮國語鄭書越絕吳越春秋太平寰宇方輿勝覽諸書班班俱在可考而知也蓋以稽星野修職識沿革明事功徵文考獻胥於是在其爲典不亦重乎哉景甯僻處萬山自前明析青田以設縣爲枯蒼下邑然巖

景甯縣志

卷之首

李志原序

六

壑奇秀賢哲挺生今之視昔當亦不甚相遠也邑舊有志初自明姜君師閔越康熙辛卯含山張君琢來宰茲土復起而修之歷今又二十餘年矣歲辛亥予奉

簡命承乏斯邑甫下車慨然卽思哀輯顧歲未大稔方事賑卹有志焉而未逮也癸丑邑慶有秋民恬於野於是長民者始得因簿書之暇有事鉛槧從藏書家購得汪君特亭刪訂舊本重加釐定復按諸碑版鐫勒父老所傳聞閱兩月而彙成亦旣稍稍詳核矣爰進邑諸生而告之曰我

皇上至治翔洽聲教四訖齋萃圖經載在統志煌煌鉅典

垂裕萬年誠千古未有之盛也景雖蕞爾邑將來輶軒
續採得藉手以獻非令之幸亦邑之幸也夫敕木石印
其山嵯峨鶴溪玉泉其水漣波而勲業如文成劉公文
章德政如潘湯葉李諸先生亦復磊落而英多予知山
川清淑其鍾靈毓異當必有起而踵其後者詎謂古今
人不相及哉顧砥礪風教搜羅掌故非一人責亦非一
日事也莫爲之前雖美弗彰莫爲之後雖盛弗傳惟冀
後之君子網羅散佚扶獎人倫舉邑中疆里形勝風土
好尚賦役戶口以及人物科第忠義節孝之日新而月
盛者一一條分而縷析之以相衍於勿替非特景邑之
景甯縣志

卷之首

李志原序

七

文獻足徵也其足供太史氏觀風之所錄者蓋亦多矣
雍正十三年歲次乙卯仲夏上澣閩櫛易李應機旂山
氏題於鶴溪清署
乾隆張志原序

傳有之聽遠者聞其疾而不聞其舒視遠者察其貌而
不察其形一邑之掌故不輯者四十有二年可謂遠矣
名都鉅縣其薦紳先生殫心著述補志乘所闕畧而景
邑土子習制舉藝於他說不暇旁驚以故記載鮮少事
多佚而不傳恃有邑志爲徵文之藉設不加裒纂將歲
益遠見聞益譌而稽核益無所資已按景甯爲青田分

縣前明嘉靖時明府程君達勅爲志至

國朝康熙之辛卯雍正之乙卯張君琢李君應機復哀輯之迄於今越甲子二百有奇余奉檄督修爰與二三賓友兩學博及邑諸生等披閱舊志芟繁補闕以成是書余不敏較舊志未知奚如第以歷年已遠邑之掌故自是有所稽核云

乾隆四十三年戊戌夏五知景甯縣事上谷張九華題

景甯縣志

卷之首

張志原序

八

景甯縣志目錄

卷首

序文 原序 凡例 圖

卷一

封域志

星野 沿革 形勝 疆里 鄉都 山水

古蹟

卷二

建置志

衙署 公建 倉儲 水利 桑園 窯冶

景甯縣志

卷之首 目錄

一

津梁

道路附

坊表

寺觀

茶堂附

冢墓

義冢附

卷三

賦役志

戶口 額徵 起運 裁改 存留 加閏

鹽法 徭役

卷四

秩祀志

文廟 武廟 壇壝 羣祀

卷五

學校志

聖訓 書籍 匾額 學宮 田山附 學額 鄉飲禮

書院 田山附 社學

卷六

武備志

城池 關隘 營壘 兵制 保甲 戎事

卷七

職官志

官師 汎弁

卷八

宦績志

景甯縣志

卷之首 目錄

二

文治 武功

卷九

選舉志

薦辟 科目 例貢監附 椽叙 議叙附 武職 軍功

附 封贈 鄉飲 老農附

卷十

人物志

仕績 儒修 義烈 孝友 篤行 隱逸

仁壽 仙釋

卷十一

列女志

節孝 節烈 貞孝 賢節

卷十二

風土志

風俗 物產 祥禳 紀異

卷十三上

藝文志

卷十三下

藝文志

卷十四

景甯縣志

卷之首

目錄

三

金石志

鐘鼎 碑碣

卷末

志餘 跋

景甯縣志

纂修職名

督修

欽加三品銜分巡溫處海防兵備道儀徵 方鼎銳

監修

欽加三品銜處州府知府元和 潘紹詒

纂修

欽加同知銜景甯縣知縣靈川 周 杰

協修

景甯縣儒學教諭黃巖 楊中臺

景甯縣志

卷之首 職名

一

署景甯儒學訓導永嘉 任位俊

署景甯儒學訓導鄞縣 黃在中

五品銜署景甯學訓導新昌 盛贊堯

督梓

景甯縣典史滄洲 于丕基

景甯縣典史光山 文維新

纂輯

嚴用光 拔貢 葉篤貞 拔貢 洪乃漣 廩貢

吳鍾鎬 增生 王錫藩 廩生

總理

潘 漪 貢生

葉凌霖 職員

林 森 貢生

張煥猷 廩貢

董理

任秀寰 貢生

葉向榮 職員

陳 銘 職員

潘鏡昭 附貢

李吉枚 例貢

潘觀灝 增生

張鳳翱 增生

葉篤謙 生員

洪乃濟 生員

繕校

徐紹藩 貢生

陳贊虞 貢生

柳蔭棠 拔貢

任清印 貢生

潘迺宣 生員

鮑一詢 增生

陳 城 廩生

潘鏡祥 生員

潘文藻 增生

景甯縣志

卷之首

職名

二

經理採訪

吳慕澄 貢生

章學庸 貢生

葉攀桂 附貢

劉應文 附貢

潘獻珠 附貢

沈鵬飛 武舉

劉肇熊 武職

孫步雲 例貢

何希元 例貢

陳兆齊 例貢

杜建棣 例貢

梅雪暉 廩生

孫紹宗 廩生

陳邦珍 廩生

葉在田 增生

吳錕輝 生員

楊景榮 生員

劉步鰲 生員

季賡堯 生員

韋佩鋒 武生

張大榮 武生

陳繼昌 監生

張金聲 監生

陳麟書 生員

周師熊 生員

吳宗恩 生員

王邦基 生員

景甯縣志凡例

一志爲紀事之書京邑自明景泰分治後至前令穉公達始創爲志繼修者陳公嚴之姜公師閔道

國朝張公琢李公應機張公九華復經三修明志本無存者康熙雍正志取材宏富而失於繁乾隆志序事謹嚴而傷於簡今惟參酌其宜而更折衷於省郡二志至徵引論斷有不得不詳載者悉從以傳附經例使後來之考核存刪足以事半功倍

一周禮士訓掌道地圖元和郡縣志每鎮之首各冠以圖則圖與志本相表裏舊凡十一幀而今增其

景甯縣志

卷之首

凡例

一

半舉城隅祠廟鄉鎮村居務使開卷豁呈已前山脈水道或遠近互殊者亦皆博採廣諮悉心核正一志前小序以揭其要後附論以盡其餘昉於宋馬端臨之文獻通考舊志參差不一諦覽詞旨閒有失於冗長與淺率者刪之易之期于愜當雅馴一志例分綱臚目以目隸綱宜從其類今大畧仍舊而自有應行增改者如繼宦績於職官判列女於人物次後則補金石附志餘較前頗有更張以求顛若畫一

一分星而歸之於野則志天仍以志地今移冠首而

以沿革次關河道里類皆考核加詳村落大少附麗其山水總綱悉從禹貢法相經緯至勝蹟彌多兼綴附詩文以當藻績本宋范成大吳郡志例也

一建置今分十目先官後民並爲推類於餘附興以廢於大工詳書年月而遺蹟有關異代興修者編定子目以昭順序至學校武備已有專志舊載書院田山鄉社學並營舖等概入本門茲不重贅

一徵輸爲額法本於租庸調裁改歲有不同歷來俱以全書爲準恢復後舊籍宕然茲據現行銷冊參道光二十三年全書並查補其未載者其積穀則

彙入建置倉儲條見賦役與食貨相依而不相類

一禮稱有功德於民者則祀之舊志一廟一目詳紀營構似乎志廟則非志祀今特於泮宮外卽繼以奎文垣關廟其最尊者爲壇壝禮文樂節炳耀鏗鏘此外統稱羣祀出雲降雨祈報所關擇其尤著靈應者附列一二諸鄉社廟例有不遑盡載若鄉飲則移併選舉以見事人之獨異事神焉

一學校人才根本道光間改建新學規制崇閎聿昭美備社學雖廢仍惜其名古稱鹿洞鷺湖則書院誠爲至要生徒膏火修金取資租息亦備錄無遺

見養士之至渥也他如建置秩祀中公項租石所載視是

一奮武不緩揆文營房舖舍皆兵弁所有事爲從建置門移并並酌添近奉新章紀變數條直書其顛末所以寓保邦制治之模

一職官文武一體相資舊志入駐防於武備數十年老成代謝案牘無存歷任官師姓氏半歸湮沒而僚屬汎弁爲尤甚茲參表式布立成雙層並列僅憑輿論以紀其畧而宦績則分文治武功另爲卷帙後之覽者亦將有感斯文

一古時專尚薦辟自科目興後遂以進舉貢三途爲定制第前志已列援例貲進諸途今仍因乎時宜其封蔭賓僕亦附列焉廣功名兼以昭盛典

一志體有褒無貶官師人物之賢傳是用作顧必論定後名實果能相副是非審之在我知罪聽乎其人方不流於穢史其有難於另傳者則不妨列諸名表下舊分條目未免混遺今亦酌爲添改悉用大書以彰厥美蓋以無其人不妨闕有其人則必增此史例所宜然他若老成行誼篤實足爲鄉里楷模亦兼收之本善善從長之意斯亦難於求全

責備耳

一閨操爲潛德幽光有待闡發前志附孝女於孝子
混節烈於人物有乖體例今節孝貞烈依次甄錄
以已旌待旌已故現存爲先後而憲旌賢母終焉
紀載新舊各氏事實詳畧間有不同蓋以續採人
數彌衆止綴年歲要語以歸樸實並皆註明採訪
原董事關旌獎當必有精白乃心以專責成者
一維風教別土宜此爲政之最要輶軒觀風問俗於
是乎存今於俗尙加詳而益以里占方言物則以
類相從并詳所產原委其祥異諸條亦必屢書法

景甯縣志

卷之首

凡例

四

春秋紀異之例示修省也

一藝文以關於事績政教山川風土者爲斷府志謂
記序長篇亦稍爲刪節以免冗繁乾隆張志一除
浮濫庶幾所謂摧陷廓清者今從彙紀諸例分附
合編每多仍前志之舊而閒益以近新之作
一銘功紀德金石是資通志標目碑碣近刻兼收李
金瀾學博撰栝蒼金石志題跋盛焉且有可與經
史相互證者爲不憚訪求摩挲款識蓋希世之珍
神靈呵護斯山澤之精英以傳

一諸志有雜錄有雜紀卽志餘之別稱也六合之大

何所不有凡足與正編互相證印發明者閒登一
二庶幾舊事靡遺大觀斯蔚

一志援引故實禮稱臨文不諱古先達直書姓名其
有事涉紛歧者詳參覆核加之案語皆雙行夾註
依陸德明經典說文例字體並擡寫諱避字樣校
讐彌慎庶無亥豕之訛

一是編爲卷十四爲目七十有一自上年季春 局
研磨校勘罔閒寒暑迄本年仲秋而編成其中移
易增刪一本公評不參臆見第憾文獻不足者据
未精矧窘於時日新收事蹟遺濫均恐難免尙有

望於武功樵李之才匡其不逮焉

輿圖

古者大司徒以天下土地之圖周知地域廣輪之數爲後世輿圖所自昉我

朝宅中定鼎陬滋咸歸恭閱

呈輿全覽圖凡州郡邊防河山疆界彙莫不兼綜而條貫之幅員之廣亘古絕倫矧

聖天子聲威遠播四海永清一時方岳諸臣屢檄圖進景邑固枯蒼僻壤而邦之中山川關隘市鎮鄉都計里雖止屬雷封分光要不遺斗野則披圖可畢見亦所以備掌故於職方也

景甯縣志

卷之首

圖

一





縣山脈自閩之政和
 分右支由青甯入景
 之上標抵縣左支入
 慶元龍泉抵雲和四
 都則慶之支山三都
 二都則龍之畝脈也
 與也見圖

景甯縣志

卷之首圖






景甯縣志

卷之首

三






景甯縣志


卷之首

圖

四




縣治圖




景甯縣志

卷之首

五






武廟圖


景甯縣志

卷之首圖

六



學宮圖




景甯縣志

卷之首

圖

七

武廟圖





二都全圖



景甯縣志

卷之首

十一




三部全圖





圖全部六



景邑地盡於山人限於土雖方維廣袤四百里其村落蔓衍亦不下數百處顧皆散依巖谷村或四五家多則十餘家與數十家不等僻遠諸區撫綏不易舊志既合繪夫山水村莊今復益以六鄉分圖並祠宇諸勝其聯絡控馭更可按圖而索守土者誠能先事預防靜則星羅而碁布變則草薶而禽蒐之觀形勢於瞭然又何羨乎伏波聚米哉

八景圖

志載八景各有題詠詩中已有畫矣然詩有所及
傳即有所不及傳惟肖之以圖俾有登臨之興者
得於尺幅中卧以遊之舊志諸圖出邑人潘可藻
手倣古劈皴法使洞天中孕毓秀靈盡歸咫尺飛
泉疊嶂勝概宛如畫亦有詩意焉今仍原本而摹
刻之如左





景甯縣志

卷之首

圖

十七





萃嶺寒泉

景甯縣志

卷之首

圖

十八





后印是奇

景甯縣志

卷之首

圖

十九



卓峰拱秀





陽順晴山

景甯縣志

卷之首

圖

二十一



牛嶠朝嵐



雪霽巖松



景甯縣志

卷之首

圖

二十一

鐵巖夕照





右環治八景自前明邑令鍾夏嵩倡題後鄉先達
復按景分詠之而稱名遂有專屬要之邑中山水
奇觀如豸山之遠翠浮嵐惠嶺之晨光鋪海皆其
表表足稱者此外鄉隅諸處懸崖噴瀑領異標新
勝概亦約畧倍之登臨者於一邱一壑恍若洞天
會心處誠不在遠也